

հատվածում և հայտնի էր Ակր ալ-Համիդիյա (ալ-Հումայդիյա) անունով: Իսկ Շուշը ավելի բարձրադիր փոքր բերդ էր և գտնվում էր Ակրի մոտակայքում²¹:

Մոսուլի մարզում բնակվող քրդական ցեղերից էին ալ-Մարանիյան (ալ-Մադրանիյա), ալ-Քիբան, ալ-Քուլսիթիյան և այլն:

Քրդական ցեղերի կարևոր օջախներից էր էրբիլի (Արբեյա) շրջանը, որը նույնպես մտնում էր Մոսուլի մարզի մեջ: Յակուբը գրում է, որ բազմաթիվ ամրոցներ ունեցող էրբիլի բնակչության մեծամասնությունը կազմված է արաբացած քրդերից²²: Իբն ալ-Ասիրը նշում է, որ XII դ. այստեղ էին բնակվում ալ-Խաթիյա և ալ-Հիքմիյա քրդական ցեղերը²³: Դրանցից վերջինն արաբ աշխարհագիր Աբու Դուլաֆի (X դ.) տվյալներով X դ. բնակվում էր Շահրիզուրում²⁴:

Մոսուլի մարզում և հարակից տարածքներում իր ազդեցիվ գործողություններով աչքի էր ընկնում քրդական հայտնի ալ-Հադբանիյա խոշոր ցեղային միությունը: Եղած նյութերը թույլ են տալիս ասելու, որ կիսաքոչվորական կյանք վարող այս ցեղի հիմնական բնակավայրը Նինվեից հյուսիս-արևելք ընկած շրջանն էր: Անասնապահ հադբանիները ձմեռում էին հիմնականում երկու Ձաբերի միջև ընկած վայրերում, որոնք հայտնի էին որպես «Մաշաթի ալ-Հադբանիյա» հադբանիների ձմեռանոցներ²⁵: Մինչև X դ. դեպի Մոսուլի գրեթե բոլոր շրջանները և Դասինի լեռնային հատվածներն այս ցեղի տեղաշարժերը բավական մեծ շրջանակներ ընդունեցին: Աբու Դուլաֆը նշում է, որ Դասինի շրջաններում հադբանի քրդերը երկար ժամանակ անկախ էին և ավերում էին այդ վայրերը: Աբբասյանները նրանց հնազանդեցնելով վերականգնեցին ավերված շինություններն ու Դասինում կարգուկանոն հաստատեցին²⁶: Բացի այդ, հադբանիները էրբիլի շրջանում ալ-Համիդիյա ցեղի զբաղեցրած տարածքի շրջակայքում ունեին ամրոցներ²⁷: Իբն Հաուկալի (X դ.) խոսքերից երևում է, որ Ուրմիա լճի մոտ ընկած Ուշնու շրջանը գտնվում էր հադբանիների տիրապետության տակ: Այստեղ էին նրանք անցկացնում ամառը և Ուշնու քաղաքում առևտուր կատարում²⁸:

Խնդրո առարկա ժամանակաշրջանում քրդերը լայնորեն տարածված էին նաև Ջիրբալի նահանգում²⁹: Սրաբ հեղինակները նրանց հիշատակում են Շահրիզուրում, Կարմասինում (Քեդմանշահ), Համադանում, Նեհավանդում և այլուր: Մասնավորապես Շահրիզուրը VII—X դդ. վերածվել էր ռազմաքաղաքա-

²¹ 'ياقوت ، معجم البلدان' ، ج . 3 ، ص 372 ، 'ابن الاثير ، الكامل' ، ج . 8 ، ص 243

²² 'ياقوت ، معجم' ، ج . 1 ، ص 137 .

²³ 'ابن الاثير ، الكامل' ، ج . 8 ، القاهرة 1353 ، ص 202 ، 237 .

²⁴ «Вторая записка Абу Дулафа», М., 1960, с. 18.

²⁵ Ibn Haukal, *Vlae et Regna Descriptio dittonis moslemicac* (BGA), ed. M. J. De Gocje, Lugduni Batavorum Apud E. J. Brill, 1873, p. 156.

²⁶ «Вторая записка Абу Дулафа», с. 18.

²⁷ 'ابن الاثير ، الكامل' ، ج . 8 ، ص 49 .

²⁸ Ibn Haukal, *ص 239*, աշխ., էջ 239.

²⁹ Ջիրբալը (արաբերեն «շաբալ» սար բառի հոգնակի թիվն է) աշխարհագրական-վարչական բաժանում էր արաբական շրջանում: Նրա կազմի մեջ մտնում էին արևմտյան Իրանի լեռնային մի շարք զանգվածներ, ինչպես նաև պատմական Մարաստանի մի մասը՝ Համադան կենտ-